

Inatsisartut Suleriaasianni § 37 naapertorlugu matumuuna Naalakkersuisunut apeqqutit imaattut saqqummiuppakka:

Apeqqutit:

- 1. Ittoqqortoormiuni Utoqqaat Illuani najugaqarfittut suliffeqarfittullu sinaakkutit pillugit Kommuni pitsanngorsaaniarluni pilersaaruteqarnersoq Naalakkersuisunit ilisimaneqarpa?**
- 2. Utoqqaat illuini najugaqarfittut suliffeqarfittullu sinaakkutit pillugit Naalakkersuisut nakkutilliinissamik pilersaaruteqarpat?**
- 3. Pilersaaruteqarsimappat qaqugu tamanna piniarpa? Pilersaaruteqatoqanngippat tamanna sooq piniannigila?**

(Inatsisartuni ilaasortaq Laura Táunâjik, Siumut)

Tunnqavilersuut:

Piffissap 15-25. Marts 2016 iluani Ittoqqortoormiunut paasisassarsiorlunga angalavunga. Ilaatigut suliffeqarfiit aamma paasisassarsiorfigalugit. Suliffeqarfinnut pulaarninni isikkama ilagaat utoqqaat illuat, tupaallaatigivaralu qanoq illu aserfallassimatigisoq qanorlu tamanna isumannaallisaanikkut ajorluinnartigisumik inissisimasoq takullugu.

Illup qanoq ikuallattoornissamut aarlerinartigisumik inissisimanagera tupaallannarpoq aserfallassimanagerlu annertuvoq. Utoqqaat illuata ningiuata allaffia utoqqaat uffarfikuat naleqqussapalaarlugu allaffiunneqarsimavoq, silaannarissarfeqanngilaq, igalaaqanngilaq taamaattumik taarluni assut

Utoqqaat illuat immikkut nerisassanut toqqorsiveqanngilaq, oqorutinut atortunullu assigiinngitsunut toqqorsiveqanngilaq, taamaattumik pigisat atortullu utoqqaat ineeraani ilisivinnut (skabe) nuttaqattaarlugit iliorarneqarneqartarput. Atortutigut amigaateqarpoq, allaat qipit puui allarutillu atornikut allanit iluatissakkat kisimik pigineqarput. Immikkut toqqorsiveqannginnerup pianik utoqqaat ilaasa inaat toqqorsivittut atorneqarpoq. Takusaq ajuusaarnarpoq, utoqqarmiullu nalitsinnut qanoq naleqqutinnngitsiginera isiinnaarmit takuneqarsinnaavoq.

Qulaani tunnqavilersuutigisakka aallaavigalugit apeqqutigaakka Ittoqqortoormiini utoqqarmiut pillugu Kommune pitsanngorsaattissamik pilersaaruteqarnersoq Naalakkersuisunit ilisimaneqarnersoq, ilutigitillugu paaserusunnarluni Naalakkersuisut utoqqaat illui pillugit nakkutilliinermik ingerlataqarnerut.

Apeqquteqaatima ulluni qulini ingerlasuni akineqarnissaa kissaatigaara.